



FRÉTTABRÉF

1. tbl.

28. árgangur

maí 2012

Í þessari Myllu

Íslandsmet í armbeygjum
Stærðfræðikeppni grunnskólanna
Verðlaunasögur
Lestraráttak á yngsta stigi
Ræktun í 5. og 6. bekk
Listaverk í leiðinni
Íþróttadagur
Sumarlestur
Hæ, dúddeli, dúddeli, dæ!
Aðalfundur FFM
Vorferðir
Bekkjamyndir
Skólaslit

Íslandsmet í armbeygjum



Fjórir nemendur Myllubakkaskóla, Jóhanna Júlía, Guðjón, Helena Rós og Dagur Funi, kepptu fyrir hönd skólans í Skólahreysti 8. mars s.l. Mikil stemning var í hópnum og stóðu þau sig ótrúlega vel og höfnuðu í 5. sæti í sínum riðli. Jóhanna Júlía Júlíusdóttir setti Íslandsmet á mótinu þegar hún gerði sér lítið fyrir og gerði 177 armbeygjur. Lið Myllubakkaskóla var einnig fyrst allra liða í gegnum hraðaþrautina. Þetta var frábær árangur hjá krökkunum og við erum afar stolt af þeim.

Stærðfræðikeppni grunnskólanna

Verðlaunaafhending í Stærðfræðikeppni grunnskóla á Suðurnesjum fór fram mánudaginn 16. apríl sl. í Fjölbrautaskóla Suðurnesja. Tuttugu nemendur úr Myllubakkaskóla kepptu. Sjö nemendur voru meðal 10 efstu í öllum þremur árgöngunum og fjórir náðu verðlaunasæti. Aron Daniel W. Van Gooswilligen var í 1. sæti í 8. bekk. Í 9. bekk var Sigurður Galdur Loftsson í 2. sæti og Rannveig Ósk Smáradóttir í 3. – 4. sæti. Margrét Dagmar Loftsdóttir var í 1. sæti hjá 10. bekklingum. Við óskum nemendum til hamingju með frábæran árangur.



Verðlaunasögur

Mánudaginn 16. apríl kom Jón Ingi Hannesson formaður FEKÍ (Félags enskukennara á Íslandi) færandi hendi í Myllubakkaskóla. Félagið hefur ásamt Sendiráðum Indlands og Kanada haldið smásögusamkeppni fyrir unglinga í grunnskólum landsins undanfarin ár. Veitt eru þrenn verðlaun frá hvoru landi og hafa þau verið afhent af sendiherrum landanna hverju sinni. Tveir nemendur Myllubakkaskóla hlutu að þessu sinni verðlaun fyrir smásögur sem tengjast Indlandi. Jón Ingi tjáði nemendum að Indland hefði ekki skipað nýjan sendiherra og því hefði hann fengið umboð til að afhenda verðlaunin að þessu sinni. Bjarki Freyr Ómarsson 9. þg hlaut 1. verðlaun og Jón Ásgeirsson 8. IM þau þriðju.



Lestraráttak á yngsta stigi

Dagana 7. - 18. maí er lestrarátak hjá nemendum í 1. - 4. bekk. Markmiðið er að safna 30.000 mínútum á þessum tíma. Nemendur lesa í a.m.k. 10 mínútur í skólanum, 15 mínútur heima og skár síðan frammistöðu sína. Eftir hverja viku verður árangurinn færður inn á súlurit sem má sjá á göngum skólans. Í lok átaksins sést svo á súluritinu hvort takmarkið hefur náðst. Hver bekkur fær mínútupeninga sem eru hengdir upp í stofunni, t.d. eru 100 mínútnapeningurinn með mynd af Einari Áskeli. Einnig verða veittar einstaklings viðurkenningar fyrir góðan árangur. Samhliða þessu ætla nemendur að búa til orðalest frammi á gangi. Þegar nemandi hefur lokið bók skrifar hann orð á blað og hengir við lestina. Sá sem skrifar næst orð þarf að láta það byrja á síðasta staf í orðinu á undan. T.d. ormur - rani - indíáni.



Ræktun í 5. og 6. bekk

Í apríl sáðu nemendur í 5. og 6. bekk ýmiskonar fræjum og baunum. Tilgangurinn með sáningunni var að sjá og fylgjast með því hvernig fræ/baunir spíra og planta vex. Áhersla var líka lögð á að endurnýta umbúðir sem blómapotta. Fimmti bekkur sáði í blómapotta sem búnir voru til úr dagblöðum. Þegar fræin höfðu spírað var priklað og plantað í stærri potta (fernur, klósettrúllur skyrdósir o.fl). Nemendur mældu svo hversu hratt plönturnar uxu og skráðu á sérstakt skráningarblað. 6. bekkur sáði í sjálfsvökvunarpotta sem þeir bjuggu til úr tveggja lítra plastflöskum.

Afraksturinn varð mjög góður. Nemendur fara svo með plönturnar sínar heim, gróðursetja þær og hugsa um þær í sumar.



Listaverk í leiðinni

Listahátið barna í Reykjaneshæ þar sem nemendur leik- og grunnskóla sýna afrakstur skapandi starfs vetrarins hefst 10. maí.

Nemendur Myllubakkaskóla hafa haft í nógu að snúast þennan veturinn. Þemadagarnir voru tileinkaðir 60 ára afmæli skólans og skapandi starf var allsráðandi. Auk undirbúning afmælisins hafa nemendur verið að vinna að allskyns skapandi verkefnum.

Nemendur Myllubakkaskóla taka að sjálfsögðu þátt í sýningunni og verða verk þeirra sett upp í Kjarna og á Bókasafni Reykjaneshæjar. Til sýnis verður brot af því sem gert hefur verið í myndmennt, smíði og textílmennt. Úr textílmennt koma tvö veggteppi sem unnin hafa verið annarsvegar af nemendum fyrsta bekkjar og hins vegar fimmta, sjötta og sjöunda bekk. Þar verða bæði geimverur og silkilitir sjáanlegir. Í myndmennt hefur fjölbreytnin verið allsráðandi og verða nokkur verkefni vetrarins sýnd eins og t.d. Mandölumyndir sem stelpurnar í valinu unnu. Úr smíðastofunni koma fjölbreytt verk, litrík og skemmtileg eins og t.d. portrett, veislubakkar, sprellikarlar og furðufuglar.

Við hvetjum alla til þess að líta á sýninguna og skoða þessi fjölbreyttu og skemmtilegu verk sem duglegir nemendur okkar hafa unnið.

Sýningin mun standa yfir í viku eða til 18. maí.



Íþróttadagur



Íþróttadagur Myllubakkaskóla verður mánudaginn 4. júní. Nemendur mæta í heimastofur kl. 8:10 þar sem tekið verður manntal og farið yfir hvað er í boði. Um kl. 8:30 verður gengið af stað í skráðgöngu að Reykjaneshöllinni. Þar verður hægt að taka þátt í ýmsum þrautum og leikjum eins og t.d. húllakeppni, boccia, frisbee, hreystigreip, armþygjum og mörgu öðru. Hoppukastali verður á staðnum. Eftir þrautirnar verður keppni á milli árganga þar sem keppt verður í ýmsum greinum. Verðlaun verða veitt fyrir íþróttarárgang Myllubakkaskóla á yngsta, mið og elsta stigi. Áætlað er að dagskrá ljúki kl. 11:30 í Reykjaneshöllinni og fara nemendur þá aftur í Myllubakkaskóla þar sem verðlaunaafhending fer fram og pylsur verða grillaðar fyrir þá sem vilja. Nemendur koma sjálfir með pylsur, brauð og drykk (má koma með gos). Boðið verður upp á tómatsósu, sinnep, remúlaði og steiktan lauk. Áætlað er að skóla ljúki kl. 13:10. Foreldrar eru hjartanlega velkomnir.

Sumarlestur



Myllubakkaskóli og Bókasafn Reykjaneshæjar verða í samstarfi um sumarlestur. Í skólalok fá nemendur skráningarkort þar sem þeir skrá allar þær bækur sem þeir lesa yfir sumarið. Skráningarkortið gildir bæði fyrir skólann og á Bókasafni Reykjaneshæjar. Kortinu er síðan skilað inn til umsjónarkennara í skólabyrjun næsta haust og skólinn veitir viðurkenningu til þeirra sem hafa tekið þátt í sumarlestrinum.

Hæ, dúddeli, dúddeli, dæ!

Vegna góðrar hegðunar tíundu bekkinga uppskáru þeir nægilega mörg býti til að fá umbun. Að þessu sinni var farið í heimsókn í Bryn-ballett til Bryndísar og síðan komið við á Langbest þar sem allir kýldu vömbina með þitsu. Sumum þótti þetta leiðinlegasta umbun sem þeir höfðu fengið en stærsti hópurinn skellti sér í hvern dansinn á fætur öðrum með Bryndísi. Misskilningur varð á milli umsjónarkennara og SBK svo að of lítill strætisvagn fór til baka til Keflavíkur. Nokkrir nemendur komust með honum en hraustustu nemendurnir ákváðu þá að ganga eða hlaupa að skólanum en kennarar biðu í eina klukkustund með örfáa nemendur sem eftir voru. Allir komust þó heim að lokum.

Nú fer grunnskólagöngu tíundu bekkinga að ljúka, með prófum, ípróttadegi og vorferð; skin og skúrir. Vorferðin verður farin 29. maí - 1. júní og ferðinni er heitið í Öræfin til að heilsa upp á skúminn, lundann og góða fólkið sem býr þar. Í ferðinni verður siglt í flúðum, klifið, sigið, ekið út í Ingólfshöfða, siglt á Jökulsárlóninu, gengið að Svartafossi í Skaftafelli, synt, sungið og hoppað til að fagna fengnu frelsi frá skólalærdóminum eða eins og segir í kvæðinu:

Aðalfundur foreldrafélags Myllubakkaskóla
verður fimmtudaginn 31. maí kl. 17:30 á sal
skólans. Við hvetjum alla foreldra til að mæta.

Vorferðir

Mæting í heimastofur kl. 8:10

Miðvikudagur 30. maí

1. og 2. bekkur

Ferð út á Garðskaga og Stafnes, verð 300 kr.

7. - 8. bekkur

Reykjavíkurfærð, verð 700 kr.

Fimmtudagur 31. maí

3. - 4. bekkur

Ferð um Reykjanes og koma við í Sandvík.

Verð 500 kr.

5. - 6. bekkur

Farið verður í Heiðmörk og sund í Reykjavík.

Verð 600 kr.

9. bekkur

Ferð til Stokkseyrar og Eyrrabakka. Nemendum gefst
kostur á að fara á kajak. Verð 1000 kr.

Þriðjudaginn 5. júní er
starfsdagur starfsfólks skólans.
Nemendur eru þá í fríi.

Vetrarins fjötur fellur
þá fagnar geð.
Skólahurð aftur skellur
og skruddan með.
Sóleyjar vaxa í varpa
og vorsól skín.
Velkomin vertu Harpa
með vorblóm þín.

Bekkjarmyndir

Undanfarna daga höfum við verið að
taka bekkjarmyndir. Nemendur geta
keypt mynd sem kostar 300 kr. Oddgeir
Karlsson tekur mynd af 10. bekkingjum
og sú mynd kostar 1500 kr. Við viljum
biðja þá sem ætla að kaupa mynd að
greiða fyrir hana í síðasta lagi
föstudaginn 18. maí.

Skólaslit

Skólaslit Myllubakkaskóla fara fram á sal skólans
miðvikudaginn 6. júní.

Nemendur mæti sem hér segir:

1., 2., 3. og 4. bekkur kl. 9:00

5., 6. og 7. bekkur kl. 10:30

8., 9. og 10. bekkur kl. 12:00

Foreldrar eru hjartanlega velkomnir.